

建昌府志



序

昔孔子欲監夏殷之禮而
歎杞宋無徵則以文獻不
足故也韓宣子聘魯見易
象春蠶曰周禮盡在魯矣

由斯以譚文以獻傳獻以
文紀二者相須甚殷所關
于郡邑非小也周制職方
氏掌天下之圖小史掌四
方之志有所爲圖地道志



者蓋綦詳焉漢唐宋以降
志郡國志十道志九域皆
倣周制而爲之明自萬曆
壬子再修郡志距今六十
二年來其間忠臣孝子文

人節婦名湮沒而不傳者
可勝道哉予守盱郡歷年
多習知川原土俗久欲編
成一書近奉有修志

功令同官 李公適至東國

文獻泱泱大風愧予非敬
仲而得隰朋之舌爲之欣
助乃屬紳衿之直諒多聞
者採而輯之而予輩復手
爲較正稽天文察地理考

人物類聚群分刪繁補畧
仍其舊貫益以新裁如李
臨淮之入郭軍旌旗壁壘
一變矣夫盱固秀麗之區
亦文物之邦也兩姑律峯

于西南雙虹蜿蜒于東北
千巘競秀萬壑爭流顏魯
公之記謝靈運之詩不足
繪其萬一也若乃魯南豐
李盱江之文章何文肅張

文德羅文肅夏東洲之宦
業鄧忠愍之節義羅明德
之理學鄧潛谷之經術昭
然耳目貫乎古今詩不云
乎高山仰止景行行止雖

不能至心竊嚮往之語曰
前事之不忘後事之師也
後之官茲土者覩宦牒而
思治仰鄉評而思賢覽山
川土田而知廢興之故觀

民風物產而識盛衰之因
如與先正諸公集思廣益
不復歎文獻之無徵矣豈
徒登高謀野云乎哉遂援
筆而爲之序

昔

康熙癸丑仲夏穀旦

中憲大夫知建昌府事加

一級三韓高天爵題于

盱署之自公堂

建昌府志

卷之一

序

六



序

皇上御極之十二年癸丑六月

先始奉

簡書同理建郡既至謁太守高

公退食於署方思所以助流

建昌府志

卷之一

李序

一

政教以無負樹官分職之意

而余隸新南北剛柔燥濕異

齊公治建且過一星紀為

余言風土人物源流正變如

舉五指而頰之又如入其家

辨其子姓昭穆聲呼而鄉音答
余實無所益於公而公
益余多矣會

朝廷方脩大典志一統車書之
盛行郡邑先蒐輯以獻建志

建昌府志

卷之一

李序

二

前經五脩距今且六十二年
天道數周於上人事具積於
下願簡編散佚守箴闕如
公乃相與索諸名山詢諸其
人舊志畢登又采家乘於春

木實悖史於爵醕河源既寤
復探歸墟雖勞不敢避矣而
向所示源流正變之所以然
者今且悉圖迴於紙上乃從
公後樂爲之序曰讀部檄

而知

今上之德意遠也古職方掌天下
之圖析至於男女樹畜又有
訓方氏達情於外擇人誦志
於內而康樂札青各爲一書

則有小行人之獻當其時海
內嚮風六服承辟雖匹婦之
賤不謂而咸得所欲者上下
遠近之情通也其後星分壤
畫雖大聖人不能不以一乘

兩馬遠問官禮而楚左史以
能誦八索九丘特見重於其
君則計其時士之老死而不
得見易象春秋者必多矣况
其鄉亭都邑之雜紀乎然管

晏國氏之徒能以其學飭其子弟田疇別其士商農工爛然聲施於天下者各習其俗相傳以世故易教也猶有晉乘楚書並於魯矣以昭示來

藝

今天下一君官其地者未必其所產思以宣上德而達下情則必徵於人監於憲雖襄陽者舊之作荆州風土之記猶當

過而存之者其勢然也我
國家聲教丕冒日出凡鴻蒙以
來未闢之星辰禹跡不及之
天地無不仁漸義濡下至於
跂行喙息矧郡爲敷淺原彭
蠡上游民實出其絲穀以供
縣官之御者哉

建昌府志

卷之一

李序

六

天子異日按圖而考治也其城郭
山川平陂盛衰之故以至風
俗之貞淫得失戶口之盈虛

賦役之繁簡大吏所欲言而未及者

廟堂之上且沛然自發德音是或不爲無助語曰以書爲御者不盡馬之情而終不以御

廢書不先職詰戎兵察非常
心忤然懼有如代守節春秋
來承

王事舉故以問不能供對其何
辭之與有今茲幸矣

省

康熙癸丑仲秋之吉

賜進士第奉議大夫同知建昌

府事長山李丕先題於盱江


書院

建昌府志

卷之一

李序

八



建昌府志書序

國家一統之盛遠邁前古太史
氏方且廣徵輿紀博採風謠
纂成

一代鉅典而郡邑之吏靡不
殫精蒐輯竭志訪求庶幾方

域所屆披圖按籍瞭若指螺
誠盛事也建武爲豫章名郡
其間山水靈秀人文蔚起代
不勝書獨是郡志之缺修已
數十年於茲矣太守高公
暨余輩商確因五邑之所呈

增損較訂合而成書竊縱觀
乎峯巒之奇鬱江流之委折
而益知建武之負名爲不謬
也以故地靈所鍾傑爲節烈
炳爲名臣與夫甲第之蟬聯
文詞之照耀皆足芳百世而

垂千秋鄉先生叙載亦綦詳
矣余惟思廣昌一邑實盱水
發源之地崇山峻嶺險於他
邑故向者萑符有警賴高
公躬擐甲冑力剪平之此非
一邑之幸乃一郡之福也故

建屬士庶得安堵蒙化歌頌
昇平而抑知太守之勞瘁涵
育於十三年之久也昔歐陽
永叔豐樂亭記樂其地僻而
事簡又愛其俗之安閒故與
滁人樂歲月之豐以共沐浴


於聖世之功德其高公之
謂歟余不敏佐理有年躬逢
盛事因郡志之告成而不敢
自居於刪述也爰識片言於
編末

皆

康熙癸丑歲仲秋穀旦

建昌府通判毘陵陳六修

謹撰



建昌府志

卷之一

陳序

四

建昌府志序

古者太師采風輶軒貢俗
蓋欲周知天下之民風土
俗彙爲一代之書况乎表
帥一郡分土分民入其國

建昌府志

卷之一

張序

問其政豈備官而未之知
耶朱考亭蒞官必修志乘
論者稱其爲政知所先則
志之不可以已也顧志豈
易言哉江文通謂脩史之

難無過於志以陳壽范曄
之徒而不輕於作志志誠
難言之矣吾肝六十年來
志載闕如兼以

鼎革之際兵燹之餘文獻無

徵傳聞各異然而物理有
變人事有增苟徒因陋就
簡保殘守缺若是者或失
則隘而異其旁搜博覽也
實難若乃裝成贗鼎臆撰

蠻經吠影子虛鏤塵象罔
若是者或失則誣又或黠
綴家聲揄揚祖德行同堯
禹文盡韓歐尸祝比於星
羅俎豆幾如林立若是者

或失則濫而與其簡而核
嚴而辯也又難且也牛耳
遞執蝸角互爭此是彼非
遂成洛蜀之黨絜長較短
未免朱陸之譏若是者或

失則私而與其化成心捐
我相同歸於大道爲公也
益難乃何幸而

太守高公暨司馬李公
適遭其會也高公以久

道化成熟嘗肯繁而李
公以新礪初發游亦有餘
於是高公舉五邑方策
一聽李公鑒衡爰開東
閣集西賓鄭命成於四覽

魯治捷於三月今其志具
在不隘而博不濫而嚴不
誣而核不私而公誠冊府
之琳琅史家之笙瑟矣君
子美李公之宏才速效

而益服高公之虛懷善
任也昔高仲舒博洽典故
名重紫薇高公有焉李
守素通曉群書號稱肉譜
李公有焉而予於此則竊

自愧矣周禮司空掌邦土
稽天下輿圖戶口阨塞以
獻於王予不敏足跡幾半
天下幼隨百粵長歷八閩
近宰三韓復權兩浙每欲

述山川人物以紀宦遊而
未能也頃與二三故老濫
竽通志之役以不獲執筆
郡志爲憾今而後喜可知
矣後之官斯土而蒞斯民

者周知土俗民風將於志
是賴且覽地靄而山水可
以臥遊閱人傑而藝文足
當膾炙益觀於志而知爲
政之易易也抑知

二公之獨爲其難者哉
康熙癸丑孟冬月

工部屯田清吏司員外郎
前督權杭關南城張世

經拜撰



建昌府志序

國有史京省郡縣有志史
與志以紀信也粵稽古史
書紀言詩編十五國以徵
民風春秋紀事司馬遷八

建昌府志

卷之一 王序一

書以敷政斑固十志尤該
治體志書之來尚矣顧脩
史史官事脩志守令事也
實相表裏而載筆綦重

今上右文邁古聖哲侍從諸臣

正殿啓沃

俞廷臣請脩天下志書會車書

一統之盛於是中外臣工
奉承欽若溯吾郡之有志
肇於宋紹興嗣是幾作幾

建昌府志

卷之一 王序二

脩萬曆壬子余伯京兆一
言請於郡守鄔公司李陸
公續建昌志迄今六十餘
年星移物換書闕有間夫
矧今日

皇猷黼黻萬國攸同可弗緝以
紀乎

郡侯高公祖愛士恤民澤久
年深於風俗實惟嘉賴奉
脩志書

建昌府志

卷之一

王序三

命遂請薦紳據舊聞敬董厥事
司馬李公祖甫下車出其鴻
裁以襄成書言書事斑馬
之遺爛如星日洵寅恭之
雅而

邦國之光也余驅馳王事世
載涖橋李者三載欽是

命惕躍以從閱月而始成胥語
於橋李大夫士曰是役也
一字之施模楷寓焉不敢

苟遠者畧近者詳勢也從
正黜誤反異合同理也疑
以傳疑信以傳信法也必
使山川之點綴如新賢哲
之表章不倦朝家之賦役

益整以暇民生之幹止矣
寧以盈如是而已言訖益
自歎惟吾郡

公祖實勝任而愉快焉書成
卽日登秘閣公寓內建武
之載籍可觀非卽

公祖立功立言之業並相傳
於不朽哉夔不敏何敢執
筆以爲社稷山川重然盛
典
惟昇平有道時而

始

今

際其會

其市

可不函言篇

六五口

郡

賢大夫共拜手以對揚

聖天子之休命乎志為州郡書

建昌府志

卷之一

王序六

不與史比然以紀信一也

則由鄉而國由今日以至

億萬年胥於同文觀之已

謹叙

皆

康熙癸丑秋月穀旦

中憲大夫知浙江嘉興府

事前刑部福建清吏司

郎中加一級丙午科典

試貴州正主考郡人王

建昌府志

卷之一 王序七

師夔題



建昌府志序

治隆於今道準於古合古
今而叅觀之經世之弘猷
斯備古太史所載輶軒所
採豈徒後魯鄴之盛折衷

建昌府志

卷之一 何序

稽謀所繇資也建郡漢晉
以來或屬豫章或屬臨汝
宋太平興國始有建昌之
名或稱軍稱路者不一洪
武改建昌府相沿迄今具

載徃牒也郡守高公奉
命脩輯郡志仰佐同文之盛
爰檄各邑彙稿以進高公
裊福建郡十有餘載矣久
道化成陰雨之膏旁皇周

浹出保釐之緒餘筮日分
簡訪輯舊聞益以近事蒐
典故於師儒廣謀野於衡
泌五邑六十餘年事所見
異辭所聞異辭所傳聞異

辭悉登於簡偕郡司馬李
公協恭裁鑒旣諄且核煌
煌乎偉牘也哉益公之爲
此也有其本事矣甫下車
數月卽躬督諸旅削平羊

石砦之寇而亂萌杜矣披
榛荆勤招徠而戶口繁矣
雜派之嚴禁水旱之請蠲
而正供裕矣敦禮讓於几
杖端風俗於適鐸而文治

興矣他如片言折獄質成
而孚提鎮樹燾大役大兵
咄嗟而辦則宰割天下之
概見矣在昔蒞郡寔著者
稱謝靈運顏魯公靈運爲


內史曠才逸韻華子崗頭
掩映於紅泉碧澗而已其
樹立不可攷魯公大節在
山河日月之間志所載者
惟建立陂塹溉蔭民田曾

南豐先生僅慨慕其折奸
篤道之大方平僊壇一紀
而外不無寥寂之嘆抑或
有紀而未盡乎孰若我公
旃幪茲土益厚益深也於

茲志見之而不於茲志盡
之也誠據志以考經因經
以會道推而暨之以植天
常以順地紀以昭人極則
吏成于治人成于學俗成

于義而王道備矣然則茲志也得不爲良志也乎余有通志之役事竣歸見志新脩訖已登梓爰從鉅公諸耆英之後樂觀其成附名簡末固有厚幸益滋愧矣

郡人進士何三省拜題



建昌府志舊序

明解元登進士吏部員外郎

夏良勝

正德丙子歲秋七月建昌郡齋爰事志載越明年冬十月竣事東洲夏良勝寔守簡書申以敘曰凡郡書名以志何從古也凡志必擬於史何示有重也周禮曰詔觀事則有志時史雖列官尙未以書名世自乘檣杙國語世本戰國策先後春秋而作而史繁矣然以國分至漢遷史上達古初班固繼之斷自漢紀以著代也而志始爲史家一目壽曄昉固作紀傳邕意嶠典勃有錄法盛有說又演爲論爲序爲銓爲評而率難於志鄭樵謂餘

建昌府志

卷之一

舊序

史雖名志而不足以盡爾雅之義爾雅志之宗也近世力追古志作者又欲兼諸史家法是故君子重斯作也有其時弗幾焉不能作也有其度弗稱焉不苟作也建昌故有盱江志經燹不可考見景泰丙子歲東園何公有作泥布未遠而毀木錄訛竄謬寔失公本意迄今茲曆運一終時斯可已郡邑大夫韓君轍亟謀於始何君恩力任其終張君縉陳君文經左右維恪羅君江孫君甫又惇雅好朝暮見以應于謔幾斯可已鄉衮栢厓張公圭峯羅公舊職史氏程度具在諸有事並以賢選各

思圖稱顧良勝何有哉且當聖室勉應茲辟於時
之何而會適也第聞家禮之輯紫陽在祝令人之
范公宅憂有宰執論政書禮者身之履也政者身之
也君子不以奪喪廢也議禮莫辨乎爾雅政莫備于
官志其遺也於禮與政有所裨矣夫政不正禮無列士
不事民無所歸是謂疵國今而後郡斯免矣祇愬良勝
自是以文疵弗免也蘓子曰文之用四事以實之詞以
章之道以通之法以檢之稱適度而敢云爾哉雖然文
愬其喪於人也不必有諸已貴用於人也不必為已是

建昌府志

卷之一

舊序

二

則大同之漸也觀者無寧以疵吾身幸思以同吾郡姑
視之以志母曰必兼史以追雅也

一府志舊序二

建昌司羅 江會稽
李進士

刻建昌郡志成或曰何義也曰民之生也有禮焉政之
所從出也志以存之古自朝廷至於邦國各有官以掌
記時政若尚書左氏國語之文出茲所謂史亦志義也
漢班固作漢史自天文地理以至溝洫刑法咸為立志
獨惜於用兵選舉畧焉卒為一代缺典嗚呼志可少乎
哉創于數千百載之前而欲徵于數千百載之後斯

之禮係焉孔子謂杞不足徵吾得夏時宋不足徵吾得
坤乾吾以是觀之則志真知其不可無要亦存乎其人
與時而已矣昔孔明治蜀不立史議者以明竄爲詳績
恐時不暇及迨陳壽檢爲蜀志故多畧焉李延壽稱爲
佳史足亞壽輩然於志鮮作俾數代制度沿革沒而不
傳則所謂存乎人與時者可知也呂東萊曰公議之在
天下抑則揚塞則決窮則通其勢殆有不容已者乎國
朝以來上有一統志以聯屬天下下逮各省有通志各
郡縣又有分志綱維比麗亦旣精矣至有安于簡陋者

曰吾無更庸是爲也又曰茲非吾分內務也是則禮愈
壞而政愈熄矣建昌舊有志歲遠失傳凡有志於用世
者恒病之迺正德丙子子僚長韓侯轍何侯恩輩方復
銳意于茲而郝袞東洲夏公暨諸耆儁寔協際其請又
恒慮吾有司值時之詘無重煩羣稽信斷著括迺愍期
餘而輟館聞者曰事之所遭有時而投諸人者如是其
合亦難矣故自是以往官屬正而上下知所安焉賢才
著而庸惡知所勵焉宮室奠而公私得所止焉山川限
域明而祀守有常焉田里賦稅一而征取有節焉嚴正

秋確偉然爲一郡之觀則凡寄耳目心思于後者皆將
獲所徵矣嗚呼今之所謂志固前昔之志與史也人弗
得雖有時弗能也善弗公雖自用弗盡也古之善諭議
禮者謂三年不成道傍之舍至幸而有以成之則傷于
初制未定故事方就緒而毀者踵至及其敝也繼以匪
人又益鑿其失并其長而廢焉其與前失等耳它日良
工閱而憫之乃開誠心集衆論錄其長屏其短若夫圖
惟規畫斷自己出雖負訕有所不顧然後仍其序而理
焉及其成也則人皆曰是故前日之遺而今之大備也

建昌府志

卷之一

舊序

四

其衆也何以異于是禮曰國有禮官有御事有職禮有
序是之謂已予得徧觀之又因以悉夫作志者之意而
通吾行政者之法也故僭附其說于後云
正德丁丑冬十月

府志舊序三

雲南大參

羅汝芳

南城人

盱郡志不修幾四十年太守南江陳公閱而嘆曰文獻
久矣弗修之則逸修而弗因焉則繁乃屬郡博張子撫
成贖稽公議前志未及備者類續之予時卒業山館得
諸觀叅訂所愧淺識辱公聘命多矣尙有俟於後之君
子之裁正云
嘉靖辛亥春日之吉

府志舊序四

建昌郡守鄔鳴雷
進士

壬子之冬予自盱守量移湖西行有日矣而郡之薦紳先生儼然造焉且曰以大夫之辱在茲土蓋亦有年政成民和百廢具舉惟是郡來自正嘉以來數十餘禩闕焉未修其何以昭法戒惟大夫留意無終遺之予唯唯謝不敏旣而曰此予志也顧茲事大非旦夕可辦予又迫於新命勢無久畱雖然亦何敢不畢力經始以仰承明諭於是禮延鄉紳推擇黌士董其役而屬其成於司率陸公陸公慨然任之予乃行曾不兩月而陸公以其

建昌府志

卷之一

舊序

五

稿來則犁然就緒矣予遂覽而嘆曰有是哉盱事之可慮也今之盱固昔之盱也而今之治盱當不復昔之治盱也蓋聞秦越人之已疾也病在肌膚則治形病在骨髓則治神治形者稍習方書猶可祖之治神者非有隔垣之視醫國之手未易能也盱固掌大地耳而藩封在焉其列爲郡縣者又若屬爲懿親之湯沐邑也故昔之病盱者里甲也糧解也鹽政也馬戶也然而里甲之擾嚴爲裁已耳糧解之苦官爲代已耳閩鹽之勢難禁也稍寬之而窮困甦矣報馬之恣爲害也痛革之而閭井

帖矣他若冒屯何以清之濫軍何以核之造船之遠與
近費孰倍蓰之諸如此類司李劓其端予遂終其說凡
所以講求於三四年間而行之一旦者亦既著爲成法
矣要之受病也人知之去病也人亦知之則猶肌膚之
害有形而易治者也矧今賢王在上民與相安予亦何
敢復設不必然之說試問郡城之鱗次而星列者非朱
邸乎乃若衣食官帑而頻請租稅者何宗之庶儀也祭
葬之檄絡繹星馳者若而王彼其占空籍而執朽戈者
又何軍之脫巾也不時之需可卒省乎無名之費可議

裁乎此誰非盱之脂膏而取給於有限之民力他郡不
得聞焉日復一日長此安窮語云皮之不存毛將安附
又曰不睹其形願察其影是亦骨髓之不可藥者也假
令倉扁若存必將望而卻走矣蓋予與司李日仰屋焉
而未有以計也後之君子有視及隔垣者乎請以醫國
者爲盱速治之調劑夫緩急以安其神以紓吾民予雖
爲執鞭所欣慕焉是役也獨力仔肩終始拮据則司李
陸公鍵協贊則郡丞昌公維基別駕程公道新南城令
蔣允臺南豐令周大轂新城令金德廣昌令莊日宣瀘

溪令梁應掄
寺少卿左公宗郢同知聶公鉉知縣鄭公汲長史劉公
德彥編纂則舉人趙日章太學生夏廷選蕭應泰庠生
鄭象箕黃公李姚來宜李先芳王嘉丞王嘉弼李良翰
王秉揚姚來宜吳紹賢李尚實黃公桃黃謨范國燧左
公益左公乾黃尪盛崇謙黃鍾彝皆與有勞例得竝書
萬曆癸丑春正月

修志姓氏

總裁

建昌府知府高天爵 君寵遼陽人

建昌府同知李丕先 泰巖山東長山人

督修

建昌府通判陳六修 敬仙江南常州人

同修

南城縣知縣曹養恒 右河陝西蒲城人

南豐縣知縣張龍如 淡菴順天大典人

建昌府志

卷之一 姓氏

新城縣知縣周天德 秉彝遼陽人

廣昌縣知縣王維翰 右彭河南洛陽人

瀘溪縣知縣余履度 敬如福建莆田人

鑒定

鄉紳何三省 印茲廣昌人

張世經 孟常南城人

編纂

吳挺之 竹士廩生南城人

趙師璟 介子貢生西豐人

丘維徐 于泗貢生南城人

鄧 昉 日生貢生南城人

黃日應 小韓廩生南城人

建昌府志

卷之一

姓氏

二

建昌府志目錄

卷之一

輿地志

沿革 分野 疆域
形勝 名勝附

卷之二

輿地志

山川

卷之三

輿地志

風俗 土產 都圖
坊街 市鎮

卷之四

建置志

城池 署廨 水利
津梁 倉廩 舖舍

建昌府志

卷之一

目錄

卷之五

建置志

坊表 官室
古蹟 寺觀

卷之六

學校志

黌宮

卷之七

學校志

書院 社學
學田

卷之八

秩祀志

廟祀
壇壝

卷之九

秩祀志 上墓

卷之十

武備志 營署 關隘 運屯

卷之十一

賦役志 戶口 土田 起運 存雷

卷之十二

賦役志 徵收 屯課

卷之十三

秩官志 郡職

建昌府志

卷之一

目錄

二

卷之十四

秩官志 縣職

卷之十五

秩官志 名宦傳

卷之十六

選舉志 薦辟 賓貢

卷之十七

選舉志 鄉舉 進士 封廕 應例 武科 吏階

卷之十八

人物志 名儒 名臣

卷之十九

人物志 忠節 宦業

卷之二十

人物志 孝友 篤行 文學 武畧

卷之二十一

人物志 隱逸 義善 仙釋

卷之二十二

人物志 列女

建昌府志

卷之一

目錄

三

卷之二十三

藝文志 書目 賦二 詩五十二首并序 表二 疏七 頌一 書二十

卷之二十四

藝文志 啟二 論十一 辨一 說七 述一 傳十一

卷之二十五

藝文志 序四十六

卷之二十六

藝文志 記三十三 議十九 碑一 絕二 錄一 文三 誌一 墓銘二

目錄終

建昌府志凡例

一舊志起宋迄明凡經七修自萬曆壬子至今癸丑五周星一甲子矣紀年既遠文獻莫徵遍爲蒐羅用資摺摭綱領有十編卷廿六一稟先程不倍新例雖鞅几幣席綿蕞遺譏而劄矢弦弧潤澤是俟

一郡邑今昔分合不同如謝顏之名宦並見撫建兩志李呂王鄧之人物屢見南新瀘三邑志其類此者不可勝舉矣山川有定宜從疆域人物無窮宜分古今凡人物在析縣以後者各從其新屬若其在析縣以

建昌府志

卷之一

凡例

前者各從其舊屬一照前志之例

一地舊爲桐封介於閩粵今故基盡入營署屹若九關之虎豹矣再紀封建是一地兩建置也故不復贅一災祥見於天者非一郡之事也見於地者言徵應則涉子政五行之妄不言徵應則紀異之書無關政要事與神謀文宜史削故盡略之

一詞人之賦三都細及於草木虫魚笨伯之讀楚詞誤索乎芳洲杜若乘乃史類體殊賦夸况物產或昔有而今無工技亦巧極而變拙不敢飾虛爲盈唯知

畜以對

一賦役款項繁多並詳古今是沿絲而勞之也以
國朝簡明冊爲準則較若畫一矣至于良法美意布在策
簡詳在口碑誠百禩不祧者也另卷詳書不惟功宗
往哲亦以登勸後賢

一郡邑兵燹相繼譜牒無存六十年來秩官名或闕而
不全次或錯而未序覽者亮之

一史有褒貶筆削宜嚴志惟崇獎紀載從寬有蹇諤於
朝宁而鄉評未昭有利濟於維桑而國紀遺錄專誌

建昌府志

卷之一

凡例

其一斯亦可矣至布衣閭巷砥行修名不登志書于
何示勸程日頗狹搜求實跡自比權輿爲粗引領珠
玉在後

一鄉賢自

鼎定以還郡邑無入祠者故執鄉賢以定人物則今癸丑
前二十年中無以揚徽迪哲非平論亦非古法也至
于壬子後三十年已入郡學鄉賢名姓盡載郡志已
入各邑學鄉賢名姓聽入各縣新志蓋諸邑志稿先
有失之掛漏者急不及待任其自續也

一婦節尤風化攸闢正德嘉靖舊志乃夏羅二公屬簡者其中所載不必盡出題請蓋志書之作本以闡幽微助旌勵之所不及况諸公月旦又爲羣議所尊奉乎今則不能亦且不敢蓋變通之世傳聞多訛鋒刃之交逼辱不免求女子以丈夫之所難爲自當惜筆墨如重寶之不易得若誤信擄掠者以爲節則將盡題遇難者以爲忠不惟揚醜于後亦且有玷夫前故寧闕無濫寧慎無輕

建昌府志卷之二

輿地志

昔史儋論周秦離合君子許其知微要亦觀於其動也
建之與撫嘗合矣郡析而為二縣析而為四五時有繁
簡事有難易李忠定之奏豈不信哉志沿革而至于五
緯之精其本在地而其末見于天古之牧民者雖以人
為本地為幹而靈臺之官亦遂存不廢今志分野亦醫
家明堂圖意也撫州之治初在南城也志疆域形勝山
川而知四履所屆夫何邇封之有志物產風俗志都圖

建昌府志

卷之一

沿革

坊街市鎮而周禮之六鄉六遂齊之五都法尚存也安
阜由于富教也故曰形勢雖強要之以仁義為本

輿地志

沿革
疆域

分野
境圖
形勢
附名勝

沿革

建昌古揚州域列分荒服春秋為吳周元王四年越勾
踐滅吳顯王三十五年楚滅王熊商敗越殺王無疆明
年盡取吳地歷戰國為楚秦始皇二十四年王剪滅楚
虜負芻越明年分天下為三十六郡屬九江郡漢高元
年項羽立黥布為九江王四年改淮南王屬淮南國六

年分淮南置豫章郡領治有南城縣卽今郡治後漢永
元八年分南城西北境置臨汝縣獻帝興平中孫亮分

豫章立臨川郡

地理志云舊志謂三國吳太元二年撫
州志又謂太平二年竊意漢統未絕故

斷以晉
書爲是

三國吳太平二年分南城爲南豐爲東興爲朮

城縣晉元康元年以荆揚十郡置江州臨川爲隸郡宋
因之齊建元初徙郡治于南城梁末爲內史周顛所據
隋開皇九年平陳總管楊武通奉使安撫改置撫州屬
洪州總管省南豐朮城復入南城縣大業三年廢州復
臨川郡十二年爲林士弘所據唐武德五年平士弘復

建昌府志

卷之一

沿革

二

置撫州又分南城復置朮城東興縣七年省入邵武隸
建州貞觀元年分天下爲十道撫州隸江南省宜黃領
縣三南城其一景雲二年復置南豐縣二十一年分江
南爲東西道南城南豐並屬撫州隸西道天寶元年復
改臨川郡乾元元年復改撫州元和六年置洪吉都防
禦團練觀察處置使咸通六年改鎮南軍乾符元年置
江西觀察使南城南豐屬撫州咸在統治時撫爲鍾傳
所據龍紀元年復置鎮南軍中和二年危全諷起南城
據治撫州至五代梁開平三年全諷敗地入僞吳順義

元年升昭武軍節度晉天福二年南唐取吳後置
開寶二年李煜以南城縣置建武軍宋藝祖開寶八年
師下江南得郡十九置撫州軍而南豐在所領治太平
興國三年改建武軍為建昌軍淳化元年南豐復為建
昌領治紹興八年安撫使李綱轉運使逢汝霖徐霖奏
分南城之東為新城縣南豐之南為廣昌縣元改建昌
軍曰建昌路陞南豐為州直隸江西行中書省至正十
二年壬辰紅巾起據復不常十六年乙未右丞朶反鎮
綏方定十九年戊戌偽漢陳友諒陷建昌路令王溥守

建昌府志

卷之一

沿革

三

之二十二年辛丑明定江南王溥歸附是歲二月改肇
昌府九月改建昌府領治縣四曰南城曰南豐曰新城
曰廣昌因宋制焉萬曆六年知府王之屏知縣范沫因
山谿險阻地遠難治白於院司會奏分南城之東北為
瀘溪縣遂與南城南豐新城廣昌為五縣並隸建昌云
國朝因之

南城附郭本漢舊縣一統志云以在豫章郡城南故名太

平御覽云高帝六年命灌嬰立洪州分洪州立南城以
其地在郡城之南故曰南城所謂郡城者即豫章郡也

舊志謂灌嬰循南粵故置縣或曰是古南粵地後漢分
西北置臨汝縣三國吳又分置南豐東興末城縣晉改
爲新南城隋省三縣復入南城屬撫州治至南唐陞建
武軍南城爲附郭縣宋改建昌軍元改建昌路明易路
爲府統屬仍舊

國朝因之

南豐 吳太平二年孫亮置南豐縣分南城之南境又以地
產嘉禾故名曰南豐至今稱邑名曰嘉禾或曰古徐州
有豐縣加南字別之隋廢臨川郡置撫州南豐省入南

建昌府志

卷之一

沿革

四

城唐景雲二年復置縣先天二年省之開元八年又復
之南唐陞南城爲建武軍以南豐爲屬縣宋初置撫州
領治南豐及改建武軍爲建昌軍又以南豐與南城並
爲屬縣元至元十九年陞南豐爲州直隸江西行省明
復改爲縣屬建昌府治

國朝因之

新城 宋紹興八年分南城之東五鄉置新城縣屬建昌軍
其鄉曰旌善曰東興曰豐義曰禮教曰德安故名猶有
存者境內有東興末城舊城因名新城其縣治即東興

市故邑名黎川元改軍為路明縣屬仍舊

國朝因之

廣宋紹興八年以南豐疆境闊遠分其南天授興城南

豐三鄉地置廣昌縣屬建昌軍即揭坊為縣治一統志

云以道通二廣而屬建昌軍因名廣昌縣境有平西臺

故邑名平西元改軍為路明縣屬仍舊

國朝因之

瀘舊於宋元豐四年設都巡檢使於瀘溪其地為瀘水

環流故名至明萬曆六年割南城五十六都至七十二

建昌府志

卷之一

沿革

五

都建為瀘溪縣縣屬建昌

國朝因之

分野

建昌入南斗十度

周禮保章氏以星七辨九州之地所

爾雅斗牽牛吳分野春秋元命苞曰牽牛流為揚州淮

南子曰瀘女吳漢書斗江湖牽女婺女揚州地志吳

地斗分野越地牽牛婺之分野史記天官書斗江湖牽

牛婺女劉向日吳越屬斗牛女分唐書南斗在軍漢下

流當為吳分牽牛夫南河寢遠自豫章迄會稽南逾嶺
微為越分○謹按諸說建昌星野在斗或曰牛女之交
或曰瀘女而唐書又以豫章為越分天道遠邈未敢意
測正德郡志云據晉史州郡經次豫章入斗十度其引
語曰陳卓范蠡鬼谷張良諸葛亮譙周京房張衡並云
大陳卓魏太史令去漢未遠范蠡而下多漢人也建昌

漢豫章屬邑故今所入宿度皆從晉史而嘉靖郡志
又據撫州志云南斗六星凡二十五度其第四星主豫
章則四度有奇豫章之疆凡千里約二百五十里有奇
而當一慶豫章既入斗十度則撫州去豫章三百餘里則其
入十一度矣今按南城去豫章三百餘里則其
麗南斗第四星曰天相星晉書北方南斗六星天廟也
天相北二星曰杓曰天府宋史按石申云魁第一主
吳第二會稽三丹陽四豫章五廬江六九江建昌漢豫
章屬縣故云
麗茅四星

其次星紀位其辰屬丑黃帝分星文斗十一度至婺女

丑於律為黃鍾周禮保章氏註星紀吳越也爾雅星紀
吳分野費直起斗十度至文五度為星紀蔡邕起斗六
度至女五度為星紀晉書白南斗十二度至頊女七度
為星紀於辰在丑吳越之分野屬揚州唐書南斗牽牛

建昌府志 卷之一

分野

六

星紀也初南斗九度餘千四十二秒十二太中南斗二
十四度終女四度自廬江九江負淮水南盡臨淮廣陵
至于東海又逾南河得漢丹陽會稽豫章西濱彭蠡南
涉越門迄蒼梧南海逾嶺表滄韶廣以西珠崖以東為
星紀之分也○按春秋傳昭王三十二年吳伐越史墨
曰越得歲而吳伐之必受其凶註云歲在星紀似又以
星紀專在越之星次也然按郭守敬之說則星紀蓋起
斗三度有奇歷牛之全度終女二度有奇斗為吳牛女
為越當時歲星必在于星紀之牛女而不在星紀之
斗彼春秋之註既舉而不分是以滋後世之惑耳
其在北斗屬第四權星史記天官書二十八舍主十二
州繫象雍屬魁冀屬樞兗青屬機徐揚屬權荆屬
梁屬開陽豫屬攝光建昌古揚州故云屬權星

其在三台屬上台司命下星宋史云上台為司命中台

上台上星主兗豫下星主荆揚中台上星主梁雍下星
主冀下台上星主青下星主徐建昌古揚州故云屬

命下

其在天市垣主吳越星

宋兩朝天文志天市東垣南第六星口英越

其在五緯主熒惑星

星經云熒惑主霍山揚荆交州又主楚吳越

占候節畧

日蝕在斗

春秋感精篇曰國飢武氏曰吳地有兵

月蝕在斗

占曰國飢又曰兵起

入南斗

荆州占曰吳越有災期不出三年

月犯南斗

陳卓曰風雨不時兵起

月乘

宿南斗

占曰有風雨

歲星犯南斗

占曰吳越有福

歲星守南斗

石氏曰歲

星守中久則穀貴春秋合誠神圖曰歲飢人相食

熒惑犯南斗

漢元鼎中值此其後越相呂嘉

為變漢兵誅之滅其國

熒惑守南斗

漢永和二年值此明年吳郡太守牟珍與盜蔡伯流等亂

建昌府志

卷之一

分野

七

揚州境所至燔其城

鎮星犯南斗

乙巳占曰先水後旱

鎮星守南斗

符堅議寇晉太

也符融曰歲鎮斗牛吳越之福堅不聽大敗而還

太白守南斗

黃帝占曰所守之國凶

辰星

犯南斗

晉惠帝永興元年陳敏寇揚州

太白守南斗

黃帝占曰所守之國凶

辰星

犯南斗

天文籙曰有水災

辰星守南斗

陳卓曰萬物不成五穀傷敗

客星守

南斗

占曰有兵絕道大水盜賊起黃帝占曰五穀先賤後貴

客星出南斗

石氏曰天下飢

人相食開

流星入南斗

占曰穀貴民勞

孛孛犯斗

占曰吳起兵起有自立者

三年而滅又

雲氣于犯

蒼白多風赤早有兵黑有火憂黃白天子有使紫陽朱子語類

曰分野之說始見于春秋時而詳于漢志然今左傳所載大火辰星之說又却只因其國之先魯主二星之祀而已是時又未有所謂趙魏晉者然後

後來占星者又多驗殊不知

歲時雜占

正月 一雞二犬三猪四羊五牛六馬七人八穀凡晴二
 月 驚蟄占雷鳴于節三月 午後鳴蛙聲午前鳴高田熟
 無五行水四月 八月宜晴諺云四月八日晴魚兒上高
 早卜蛙聲四月 坪○立夏小滿日宜雨諺云立夏不下
 高田放罷小滿五月 端午占風六月 立秋在月晦則早
 不滿芒種不管五月 芒種占水六月 稻遲諺云六月秋
 要不到秋七月 七月 七夕已前占河影沒三日而復
 秋不到秋七月 七月 見則較賤七日而復見則穀貴八月
 一日廣昌占霧在山頂則瘴癘止村落霧若及河則瘴
 癘入市鎮中秋月光則無魚雲重則知次年元宵多雨
 故曰雲籠中秋九月 一日至九日凡北風則穀價賤以
 月雨打上元燈九月 日占月如一日主次年正月是也
 十月 一日宜多雨諺云十月初一晴柴米炭樣平此
 月宜多雨諺云十月雨連連高山也是田

建昌府志

卷之一

分野


月 十二月 四季甲子 春甲子雨赤旱千里夏甲子
 雨揸船入市秋甲子雨木生

枯耳冬甲子 四季甲申 大雨穀價大貴
 雨飛雪千里 四季甲申 小雨穀價小貴
 錢惟善田家五行序五行之說見於經傳其來尚矣豈
 特為田家設哉然舍田家而言五行不知本者也此古
 二至之書氛稷三時之紀風雨皆為田家設也田家以
 耕桑為重民生以衣食為本有天下國家者必先講乎
 此而後可得而理成周以農事開國王業艱難風俗
 之醇厚見於詩之七月書之無逸其迎寒逆暑之候倦
 倦以耕織為言憂君愛民之道諄諄以稼穡為意至洪
 範之論五行首曰土爰稼穡孟子之論王道在乎不違
 農時是則農事之於五行豈不有所係哉

建昌府志

卷之一

總圖



疆域

北

瀘溪縣

縣城南

東


新縣城



總圖

建昌府志

卷之一 總圖




山川



總圖



建昌府志 卷之一 總圖



總圖

儀鳳門

望仙樓

玄廟觀

中興寺

城隍廟

縣儒學

馬王廟

協鎮府

養濟院

湖東道

關帝廟

察院署


通會門

文筆臺

漢武廳

定昌府志

卷之一 總圖



疆域

建昌府境東西二百五十里南北三百八十里

東至福建邵武

府光澤縣杉關二百一十里到邵武府治三百五十里

西至撫州府宜黃縣芙蓉山四十里到撫州府治二百

四十里南至贛州府石城縣鐵樹四三百四十里到贛

州府治五百二十五里北至撫州府臨川縣界山四十

里到撫州府治一百二十里東南到邵武府治二百三

十里西北到撫州府治二百四十里西南到贛州府治

七百二十五里東北到邵武府治六百三十里驛路至

省城三百里至江南二千三百八十里至北京五千八

百二十

五里

南城縣境東西一百三十里南北一百三十里

東至新城縣廬

游舖九十里到新城縣治一百二十里西至撫州府宜

黃縣芙蓉山四十里到宜黃縣治一百二十里南至南

建昌府志

卷之一

疆域

十三

豐縣堯港橋八十里到南豐縣治一百二十里北至撫

州府臨川縣界山四十里到臨川縣治一百二十里東

南到福建邵武府光澤縣治二百三十里東北到撫州

府金谿縣治一百二十里西南到贛州府治四百二十

五里西北到撫州府崇仁縣治二百

里驛路至省城及江南北京與府同

南豐縣境東西一百四十里南北一百一十五里

東至新城

縣照溪六十里到新城縣治一百四十里西至撫州府

宜黃縣峽嶺八十里到宜黃縣治一百四十里南至廣

昌縣雙蓮橋八十里到廣昌縣治一百二十里北至南

城縣堯港橋三十五里到南城縣治一百二十里東南

至福建邵武府治四百三十里東北到饒州府治八百

四十里西南到贛州府治六百九十里西北到撫州府

治三百六十里驛路至省城四百二十里至江

南二千五百里至北京五千九百四十五里

新城縣境東西一百三十里南北一百一十五里

東至福建

邵武府光澤縣杉關七十里到光澤縣治一百四十里
西至南豐縣弋陽四六十里到南豐縣治一百四十里
南至邵武府泰寧縣四聖嶺七十里到光澤縣治一百
四十里北至南城縣盧公橋四十五里到南城縣治一
百二十里東南到邵武府治一百六十里西南到南豐
縣治一百六十里東到邵武府治一百二十里西北
到南城縣治九十里驛路至省城四百二十里至江
南二千四百八十里至北京五千九百二十五里

廣昌縣境東西一百六十里南北一百四十里
東至南豐縣雙

蓮橋四十里到南豐縣治一百二十里西至贛州府石
城縣塹嶺一百二十里到石城縣治一百八十里南至

石城縣鐵樹四一百里到石城縣治一百六十里北至
南豐縣金嶂山礫頭四十里到南豐縣治一百二十里

東南到福建汀州府寧化縣治二百二十里東北到南
豐縣治一百二十里西北到贛州府寧都縣治一百二

十里西南到石城縣治一百七十五里驛路至省城五
百四十里至江南二千六百二十里至北京六千六十

建昌府志

卷之一

疆域

十四

五里

瀘溪縣境東西九十里南北八十里
東至貴溪斗源界

治一百六十里西至南城白玕肥株瀉及雙魚石界七
十里至南城縣治一百六十里南至光澤縣烏倍界二

十里又至上公嶺界四十里至貴溪縣治九十里北至
貴溪縣饒橋界四十里至光澤縣治一百四十里東南

至光澤花山界十里西南至新城縣龍湖界六十里至
新城縣治一百里西北至金谿縣郭仙嶺下岳源界八

十里至金谿縣治一百里東至貴溪縣前坑界十里
至府城一百六十里至省城驛路四百六十里至江南

二千五百四十里至北京五千九百八十五里

形勝

建昌府兩粵七閩犬牙其疆
唐獨孤及
控五嶺封疆

要捍七州寇徼之虞南城縣羅玘記地氣殊異山川炳靈顏真卿

姑仙壇記林奇谷秀水繞川環刁尚能羅城記抗禦七閩牽制百粵

王平叔建昌軍記據五嶺之咽喉控三吳之襟帶宋胡幹化云山清

水秀冠于江表鄭文寶江表志據江西一道東南上游其地山

高而水清朱晦庵進士題名記地靈源長筆不可譜李泰伯梓山寺記絕

大江數百里與閩粵為腹背土地衍沃宜稻桑麻李泰伯云

巒障聯屬如翠屏兩溪合流於其下陳起云地氣殊異江

山炳靈視瀟湘為不足符正氏呂次儒文集序山川炳靈精彩獻

狀趙時崢學記左臨肝水右瞰麻源輿地紀勝東望閩嶺阻為嶠

建昌府志 卷之一 形勝 十五

之重險南望章貢別肝水之濫觴西望麻姑三谷覽煙

雲草木之奇俯千巖萬壑之秀羅大臨縣廳題名記東南連甌關

屬章貢而西北隣郡疆畛相入錯綜如繡呂維中鼓角樓記自

古南城天下稀元虞集高空山歌林巒之蒼潤煙霞之卷舒晴

容雨態之變移明學士宋濂恒山精舍記城巔之曠幾撫之饒遠信

之衝隣汀之僻與邵並閩楚之喉酌諸府之中號為樂

區 羅圭 峯集

軍峯卓筆軍峯山在南豐縣縣界去城百餘里相傳楚衡山王吳芮攻南粵駐兵山下由是得名山

勢峭銳如筆高入雲漢故曰卓筆吳毅詩河漢昭回塔作字江山流峙自成文蓬萊倚架天非遠沈瀝

分

印石呈章

一名赤面石又名紅屏在城西五里石色赭若凝丹積暈宛見文理

東郭虹橋

即太平橋在郡東門外府江之上凌空跨水舟上下望之隱隱長虹橫九霄也張達詩高

橫碧落蒼茫際倒映滄波蕩漾中

南城鴈塔

郡治東舊景德寺高嶺之上浮屠高入雲漢環視百里如在目前亦郡之奇觀也好事者

取佛祖鴈王故名鴈塔明弘治間分封毀之鄧林詩鴻鴈無蹤存往事龍蛇有窟似生成

鳳岡曉日

郡城西北相傳有鳳降于高岡故名鳳岡巍然獨立洞視空濶晨曦和煦禽鳥飛鳴嘗疑

有鳳覽揮而下

龍首春雲

郡西二十里名雲蓋山迭出兩峯俯仰迴互狀若龍首屹然出于天半每當春月則網緼

建昌府志

卷之一

形勝

十六

靈黛變化萬狀如與龍相從也鄒矩詩山澤由來通氣早郊源未必作霖遲結廬擬就高峯下待看春雷變化期

華子紅泉

麻源三谷之間相傳仙人華子期嘗佇焉於是其泉清瑩流于砂石間赤色相映隱若流

丹謝靈運詩石磴瀉紅泉是也李程詩一派寒泉下翠巒彩虹飛出亂雲端紅流傳是靈砂液深處應藏九轉丹

麻姑雪瀑

麻姑山上有瀑泉飛流日半空而下聲吼山谷望之如雪近之如雷舊建湧雪等亭以覽

其勝焉曾南豐詩飛雪一支天上來寒影沉沉瀉龍穴山靈欲以恠動人山路先冬積霜寧揭侯斯詩神工擲

天紳挂之兩崖間萬古流不盡誰能測其端勢割山石蕊氣挾草木寒安得天之妙繫彼日月還麻姑綠雲髮

點點長

中水之源

源出廣昌縣血木嶺流三百里而至郡城

中洲毛羽

城外近東岸隆然伏洲江中春漲亦不涸

翰林宋紹興間蔚然為林後郡人曾肇鄧伯溫程鉅夫輩咸以文學顯名入翰林或曰是其應也

虎潭清淺

迎仙橋下流溪中多石如卧虎狀溪深積水

興中水暴至潭忽清淺元符三年曾布果拜相

魚湖澄深

湖在東郭五里初不通溪河地識云魚湖衝

花湖忽為黎水衝破未幾張淵徵狀元及第黃敞詩江號文邦此地應山巖湖清纓可濯地僻不堪枕上有讀書人青藜照孤寢一舉魁賢科青袍換雲錦

從石天光

即從姑山以其亞於麻姑故名從姑山巔有石巉巖中虛如室可容數十人傍有徑可以

建昌府志

卷之一

形勝

十七

盤緣而上下其間仰視天光惟一線耳羅子澹詩山根出地盤千仞石鏗窺天見一門

壽峯嵐氣

郡西南十里麻姑山之南有萬壽峯於近郭

遠而益奇也甯道立詩潛通香閣和煙濕散入仙壇作雨霏張字初詩東壁懸珠小閣寬夜連雲靄宿簷端林

膏喧溜促春寒謾傳徐市窺蓬島何事瑤臺覓羽翰

仁平古跡

南城舊縣治之前有井舊刻仁平泉三字相傳有人入山遇仙既歸鄉里非復昔時雁存

此井尚可識耳泉之耳列稱治城第一章

大富仙蹤

大富山在城東七里相傳浮丘王郭寓游其

霧六月仙壇氣占秋

城南附郭與郡同

南何祝聳其東軍山峙其西北倚琴臺以為之固南統

豐何祝聳其東軍山峙其西北倚琴臺以為之固南統

盱水以接其流舊志云地迫兩粵風氣和平水土衍沃飛

蝗不至曾子開渾山廟軍山屏峙在縣西三十里許高山百里之外大如屏風

時於右焉曾著詩孤峯巖嶮近星河絕頂高撐鳥倦過元氣東來通泰華盤根西望壓岷峨千峯雨

過浮青靄萬壘晴分湧翠波安得仙人共乘鶴清風天

路散鳴珂盱水環流水自西而南而東三面纏繞而城居其中如

半環然蔣之奇詩盱江一帶碧漣漪來凭闌干把酒時吏役不知春色晚緋桃花發兩三枝

何祝峯清一何家峯一祝家峯二峯相并于縣東四十

建昌府志 卷之一 形勝 十八

最秀者也

超遙臺古今西門直北城脚是也縣初時名超遙臺即

馬退石唐宰獨孤及嘗月夜攜琴遊賞于此故又名琴臺

書巖儼雅在縣南隔溪登高山麓宋魯文定公會讀書

于此謂之儼者有高山仰止之意謂之雅者有風流儒雅之意鄭綱詩大宋文風挽不回崑空老石

尚巍哉池邊蔓草遺書帶崑畔垂藤蔭硯臺一代名公

今絕侶百年陳迹復誰來登吟不覺霜威重獨把清樽

對客開州判趙璽詩祠屋新城結構功簷楹高聳碧虛

中道闕國脉流元氣禮祀鄉賢振舊風雲物四時涵硯

沼書崑千古並儒宮麗生一片韓山石郡守崇文孰與

同冊并青冷在北門外清脩觀前俗傳許真君煉丹於此

其并泉清潔伏日如水趙公介詩我曹只欲

分餘潤散入
西疇作雨聲

方石占元 在縣城西老龍洲南岸舊志云沙湧方石前南豐出狀元故曰占元

南臺應相 在城南隔溪舊志云南臺沙上南豐出相宋治平中建塔于上從塔下潭水中運沙以共

上築未幾曾文肅公拜相故曰應相

金潭浸月 西門外石佛巖下有潭深不可測月夜水面光莹如金舊名金魚潭

烏石堆雲 在縣西北一里許有石山無草木其色如鐵雖天清氣朗滃鬱如雲堆焉

鴈塔憑高 謂之憑高者建於南臺山上也

虹橋據要 橋舊在南門今遷于東門之下游當要路而便民也

新城杉關極高控其東弋陽周坪阨其西福山簫曲聳其

建昌府志 卷之一 形勝 十九

南靈鷲硝石障其北 縣志云其山磅礴而清潤其水通暢

而淵沉 虞集脩學記邵武之咽喉建武之屏蔽 林俊新城記

福山佛影 去縣南四十里世傳唐廣明間僧紹隆開山之日一僧後至入石罅不見踪跡一夕雷雨

作石迸裂僧影儼然上官祐詩地分小澗澄寒碧樹引垂蘿補夕陰何屋詩山寒初衣袂寺僻自為家佛影疑

千古泉聲出兩涯

日岫海門 縣郭西山高百仞下臨深溪絕頂有井或曰泉通海門云程新詩一徑松風消暑四時

雲氣護高寒

仙居劍屨 縣北三里唐鄧天師延康尸解留一劍一屨故名楊傑詩雲雷峰百尋破石潭千尺塵埃

飛不到山水相照碧右顧唐相碑下有天師宅古人安在哉劍屨空遺跡

山劍閣

元至元中道士江希夔遊京師會世祖臂病

馬陳員韜詩玉琢拳拳不記年瓊臺雙闕舊通仙香

麝氣花當洞水帶龍腥劍耀川夜月光生鉛汞鼎春雲

陰覆茯苓泉翩翩跨鶴人何在少室松蘿空自纏

允曲雲山

宋處士呂淮園隱居之所其山崇峻林木森秀雲氣隱映因以得名

赤溪風月 在旌善鄉宋儒李泰伯讀書之所有風月亭

冰壺丹井

在縣南四十里世傳王文卿煉丹之所

天堂米穴

在今妙圓寺舊志云宋嘉定戊辰僧妙智鑿石穴出泉療民疾苦元至正間石穴日隨人

多寡出米供之後人鑿大其穴冀多得米不復出

建昌府志

卷之一

形勝

二十

周湖温湯

有石池貯水温如湯但作硫黃氣虞集詩不到茲山四十年重來山色尚依然一拳岩石

藏陰火干佛雲崖湧佛泉冷暖已知神化妙炎涼豈為世情遷登臨悵悵誠多感興在孤雲野鶴邊

黃沙馬跡

山澗中有石大五尺許上有馬跪膝跡一蹄跡五世傳有仙乘馬過此

廣前對蟾石後據龍岡禪嶺插筆聳于左鳥石覆舟居

其右

舊志云廣昌居盱江上游其地多佳山水 錢學士習禮清溪書

堂記

龍岡煙雨

在縣治西北蜿蜒如龍宋咸淳間邑令朱汝賢取唐李白題水西手之句於龍岡極高處

建置虛亭亭之外雜植松竹四時蒼翠藏煙宿雨清風結于亭中陳述詩翠合崇岡路幾重淡烟宿雨晝濛濛

依稀蜀道千峯出彷彿湘江兩岸通楊柳人家迷處近 薛蘿樵唱隔西東有時聽人茶 港外多山

馬塔風霜 縣治之溪南慈生院有塔立高峯之上

存唐詩曰雁塔 風霜古信矣

東嶽晨鐘 祠在學之後宋紹興間建以祀泰山之神鐘聲清亮居人以定昏曉何文淵詩扁箭頓雀

擁曙霞鯨音風遞出天涯與醒旅客初開戶驚覺公庭正報衙隱映山光生洞壑蒼涼月色映桑麻早年曾向

雲門外遙見 仙人駕羽車

西華夕照 在縣治之西峯巒高聳澗谷幽深山之上有仙人橋樹色參天泉聲激玉口西返照紅光

滿林佳致也何文淵詩老樹影斜青鳥宿寒泉聲急白羊歸

烏石春雲 縣治之西一里有石若覆舟而玄色春時雲氣迴旋變態若自石中吐出居人以爲慶瑞

又雲氣屢現則歲必豐何文淵詩崑壑無心成覆蓋樓臺有影逐飛鴻陳述詩伴鶴不隨千里去從龍終向九

建昌府志

卷之一

形勝

二十一

飛霄

黃潭秋月 潭在龍泉觀秋時潭水澄碧月影流輝輕舟夜遊恍然如東坡於赤壁也陳述詩影落山

河相上下光涵 天地共浮沉

金嶂翠屏 縣西北四十里有山獨秀名金嶂山高出雲表自遠望之形若翠屏縣治之鎮也陳述詩

金嶂名山列翠屏題詩今喜記吾曾行窮絕頂知天近 迦到澄源覺地靈薜荔垂垂和雨碧芙蓉朵朵挿空青

仙家不隔瀛洲水 知在松雲第幾層

鬢宮丹桂 縣學明倫堂之西偏有桂樹幹大十數圍枝葉繁茂重陰覆孔駁秋花噴香遠而益清樹

下井泉逼香氣其列異常傍列石床可坐士子愛其瀟 潔每於此坐談理道自覺精爽

建昌府志卷之一終

